



Broj: 05/7-39-1-115-84/22

Sarajevo, 7. 6. 2022.

Z A P I S N I K

84. sjednice Vijeća nacionalnih manjina BiH, održane 3. 6. 2022. godine

Sjednica Vijeća nacionalnih manjina BiH počela je u 17 sati.

Sjednicom je predsjedavala Tijana Vučurević, prva zamjenica predsjedavajućeg.

Sjednici su prisustvovali: Velibor Kuvač, Tihomir Knežiček, Jakob Finci, Dragan Marković, Todorka Jovanović, Silvija Vujović, Mladen Radmilović, Jovanka Manzalović-Šalaka, Hakan Varan, Halil Bicaj, Tijana Vučurević, Davor Ebner, Nedžad Jusić, Dejan Piotrovski, Vjeročka Gajić i Eva Pašić-Juhas.

Sjednici iz opravdanih razloga nisu prisustvovali Andrija Svatok i Marija Grbić.

Sjednici su, također, prisustvovali: Aida Kreho, sekretar Zajedničke komisije za ljudska prava, i Zoran Žuža, šef Odjela za informiranje.

Za sjednicu je predložen

DNEVNI RED

1. Usvajanje Zapisnika 83. sjednice Vijeća nacionalnih manjina BiH;
2. Razmatranje Obavještenja Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao Sud BiH, strani sudovi za djela predviđena Krivičnim

zakonom BiH ili međunarodnim ugovorom čija je potpisnica BiH ili drugi sud u skladu sa zakonom BiH o postupanju po predstavi (broj: 05/7-39-1-115-70/22 od 2. 2. 2022), akt broj: 05/6-50-15-27-76-6/22 od 16. 5. 2022;

3. Razmatranje informacije sa sastanka Koordinacionog odbora za nacionalne manjine u organizaciji Vijeća Evrope i EU u sklopu Programa „Horizontal Facility za Zapadni Balkan i Tursku“;
4. Tekuća pitanja.

Dnevni red jednoglasno je prihvaćen.

Ad. 1. Usvajanje Zapisnika 83. sjednice Vijeća nacionalnih manjina BiH

Predsjedavajuća sjednicom otvorila je raspravu o ovoj tački dnevnog reda. S obzirom na to da nije bilo primjedbi, Zapisnik je usvojen s 14 glasova „za“ i dva glasa „suzdržan“.

Ad. 2. Razmatranje Obavještenja Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao Sud BiH, strani sudovi za djela predviđena Krivičnim zakonom BiH ili međunarodnim ugovorom čija je potpisnica BiH ili drugi sud u skladu sa zakonom BiH o postupanju po predstavi (broj: 05/7-39-1-115-70/22 od 2. 2. 2022), akt broj: 05/6-50-15-27-76-6/22 od 16. 5. 2022.

U raspravi o ovoj tački dnevnog reda učestvovali su: Velibor Kuvač, Dejan Piotrovski, Nedžad Jusić, Jakob Finci, Tijana Vučurević i Halil Bicaj. Iz rasprave je proizašao prijedlog da se Ministarstvu pravde BiH i Zavodu za izvršenje krivičnih sankcija, pritvora i drugih mjera dostavi dopis s molbom da se razmotri mogućnost i modalitet izmjene Uputstva za organizaciju i vođenje audiovizuelne komunikacije putem aplikacije Skype, u skladu s Okvirnom konvencijom za zaštitu nacionalnih manjina i Evropskom poveljom za regionalne jezike i jezike manjina, koji se u Bosni i Hercegovini primjenjuju u skladu sa Ustavom Bosne i Hercegovine, kako bi se osobama koje služe kaznu u Zavodu za izvršenje krivičnih sankcija, pritvora i drugih mjera Bosne i Hercegovine omogućilo da koriste svoj jezik za komunikaciju sa svojim članovima porodice, a koji ne govore jezike u službenoj upotrebi u BiH. Navedeni prijedlog prihvaćen je s 15 glasova „za“ i jednim glasom „protiv“.

Ad. 3. Razmatranje informacije sa sastanka Koordinacionog odbora za nacionalne manjine u organizaciji Vijeća Evrope i EU u sklopu Programa „Horizontal Facility za Zapadni Balkan i Tursku“

Silvija Vujović usmeno je izložila informacije sa sastanka/obuke Koordinacionog odbora za nacionalne manjine u organizaciji Vijeća Evrope i EU u sklopu Programa „Horizontal Facility za Zapadni Balkan i Tursku“, održanog 30. i 31. 5. 2022. godine, kojem su, u ime Vijeća nacionalnih manjina BiH, prisustvovali g. Svatok i gđa Vujović. Tema obuke bila je „Instrumenti za zaštitu nacionalnih manjina“, koju je održala profesorica na Univerzitetu u Ljubljani i članica savjetodavnog odbora za Okvirnu konvenciju za zaštitu nacionalnih manjina, te je do detalja razmatrana Okvirna konvencija za zaštitu nacionalnih manjina, pojam diskriminacije nacionalnih manjina i pojam 'ostali', kao i Evropska povelja za regionalne i manjinske jezike. Napomenuto je da je od Vijeća Evrope saopćeno da se članovi Koordinacionog odbora za nacionalne manjine ne trebaju mijenjati u slučaju da - do kraja projekta - čak i dođe do imenovanja novog saziva Vijeća nacionalnih manjina BiH, imajući u vidu da se planira održati još jedna obuka, te da će zatim uslijediti i kraj projekta. U raspravi je učestvovao i Nedžad Jusić koji je izrazio zahvalnost Vijeću Evrope za organizaciju ovakve vrste projekata i obuka, te napomenuo da je potrebno ojačati sve članove Vijeća nacionalnih manjina BiH, ali i vijeća drugih nivoa vlasti, kako bi se bolje upoznali s propisima i pravima nacionalnih manjina, mogućnostima političkog učešća, očuvanja kulturnog identiteta i slično, te kako zaštititi prava nacionalnih manjina od zloupotrebe od konstitutivnih naroda.

Ad. 4. Tekuća pitanja

U okviru ove tačke dnevnog reda razmotren je prijedlog da se članovima Vijeća, u slučaju opravdanog odsustva sa sjednice, isplati naknada, ali je zaključeno da ne postoji zakonska mogućnost za njegovo usvajanje od Vijeća.

Također, jednoglasno je usvojen prijedlog Nedžada Jusića da Vijeće, po usvajanju Nacrta zakona o Budžetu institucija BiH i međunarodnih obaveza BiH za 2022. godinu od Vijeća ministara BiH, predsjedavajući i njegovi zamjenici pregledaju taj prijedlog i da, u slučaju da utvrde da je iznos sredstava predviđen grantovima za udruženja nacionalnih manjina, te za zapošljavanje, zdravstvenu zaštitu, stambeno zbrinjavanje i obrazovanje Roma, smanjen, izrade i upute dopis prema Predsjedništvu BiH, kao predlagaču Zakona o Budžetu institucija Bosne i Hercegovine i međunarodnih obaveza Bosne i Hercegovine za 2022. godinu prema Parlamentarnoj skupštini BiH kao zakonodavnom organu. Dopisom se, u skladu s prijedlogom,

treba tražiti osiguranje odgovarajućeg iznosa sredstava granta, s obzirom da bi svako smanjenje značilo da se projekti koji su od vitalnog značaja za udruženja nacionalnih manjina i Rome, kao najbrojniju manjinu, ne mogu realizirati na zadovoljavajući način.

U raspravi su učestvovali Jakob Finci i Velibor Kuvač.

Sjednica je završena u 18 sati.

Sekretar
Zajedničke komisije za ljudska prava
Aida Kreho

Prva zamjenica predsjedavajućeg
Vijeća nacionalnih manjina BiH
Tijana Vučurević